



Vogošća, ul. Jošanička, br. 80; tel: 00387 33 586 413, fax: 586 418

Broj: 03-36-1005/22
Vogošća, 15.06.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 15.06.2022. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE REVIZIJE
IZVEDBENOG PROJEKTA NADogradnje UPRAVNE ZGRADE JU KSC VOGOŠĆA**

Član 1.

Ponuda ponuđača "Smajić-inženjering" d.o.o. Goražde, ulica Zaima Imamovića bb Goražde, odabrana je za pružanje usluge revizije Izvedbenog projekta nadogradnje upravne zgrade JU KSC Vogošća, kao jedina formalno-pravno ispravna ponuda, sa ponuđenom ukupnom cijenom nabavke u iznosu od 774,20 KM bez uračunatog PDV-a, odnosno 905,81 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 24.05.2022. godine donio Odluku o pokretanju Otvorenog postupka nabavke usluge revizije Izvedbenog projekta nadogradnje upravne zgrade JU KSC Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 24.05.2022. godine pod brojem: 1353-1-2-78-3-90/22.

Sažetak Obavještenja o nabavci objavljen je u "Službenom glasniku BiH" broj: 34/22 od 27.05.2022. godine.

Tendersku dokumentaciju sa Portala javnih nabavki BiH je preuzelo 18 (osamnaest) ponuđača. Krajnji rok za dostavu ponuda bio je 09.06.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 09.06.2022. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-36-1005/22 iz maja 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"Smajić-inženjering" d.o.o. Goražde	790,00	2%	774,20	905,81
2	"Consilium" d.o.o. Kakanj	3.500,00	/	/	4.446,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Consilium" d.o.o. Kakanj ne ispunjava formalno-pravne uslove tražene Tenderskom dokumentacijom i to:

- Tačkom 8.1.4.TD je propisano da se Ponuda izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemoguću naknadno vađenje ili umetanje listova, osim garantnih dokumenata. Dijelovi ponude kao što su uzorci, katalozi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude.

Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav 6. i 7. Uputstva za pripremu modela tenderske dokumentacije i ponuda.

Ponuđač "Consilium" d.o.o. Kakanj nije dostavio ponudu na naprijed propisani način, tj. dostavljena ponuda je uvezana spiralno, bez korištenja jemstvenika, a što prema mišljenju iznesenom u Rješenju Ureda za razmatranje žalbi BiH-Filijala Mostar broj: JN2-03-07-1-929-8/19 od 23.05.2019. godine ne predstavlja čvrsto uvezivanje, na način da se onemoguću naknadno vađenje ili umetanje listova, propisano članom 58. stav 2. Zakona o javnim nabavkama BiH i članom 8. stav 2. Uputstva za pripremu modela tenderske dokumentacije i ponuda.

U skladu sa prethodno navedenim mišljenjem Ureda za razmatranje žalbi BiH-Filijala Mostar, pod čvrstim uvezom podrazumjeva se ponuda ukoričena u knjigu ili ponuda osigurana jamstvenikom.

O naprijed navedenom je također zauzeo stav i Sud Bosne i Hercegovine u Presudi broj: S1 3 U 021191 16 U od 08.08.2017. godine.

- Tačkom 7.4.1. pod a) TD je zahtjevano da su ponuđači u posljednje 3 (tri) godine računajući od dana podnošenja ponude, kao pružaoci usluga uspješno realizovali minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 2.000,00 KM bez uračunatog PDV-a ili više pojedinačnih ugovora u ukupnom zbiru od 2.000,00 KM bez uračunatog PDV-a.

Tačkom 7.4.2. pod a) TD kao dokazi su propisani spisak izvršenih ugovora u ukupnom iznosu od 2.000,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Ponuđač "Consilium" d.o.o. Kakanj nije dostavio referenc listu zahtjevanu tačkom 7.4.2. pod a) TD, te je na taj način postupio suprotno jasno postavljenom zahtjevu ugovornog organa iz TD.

Ponuđač "Consilium" d.o.o. Kakanj je na strani 23. Ponude dostavio Potvrdu o uspješnoj realizaciji ugovora broj: 299-06/2022 od 09.06.2022. godine, kojom se dokazuje da je

preduzeće "Consilium" d.o.o. Kakanj uspješno izvršilo nadzor na izvedbenim radovima na stambeno-poslovnom objektu "Vila".

Komisija za javne nabavke Općine Vogošća cijeni da dostavljena Potvrda ne ispunjava uslove propisane odredbama člana 7.4.1. pod a) TD, jer je nedvosmisleno propisano da su ponuđači dužni dostaviti potvrde o realizovanim ugovorima u posljednje 3 (tri) godine računajući od dana podnošenja ponude.

Ugovor za koji je izdata predmetna Potvrda (11-UG-07/18) je zaključen 02.07.2018. godine te isti ne obuhvata traženi period od posljednje 3 (tri) godine-računajući od dana podnošenja ponuda u predmetnom postupku nabavke.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Smajić-inženjering" d.o.o. Goražde ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Smajić-inženjering" d.o.o. Goražde, te je izvršena računaska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Smajić-inženjering" d.o.o. Goražde, za pružanje usluge revizije Izvedbenog projekta nadogradnje upravne zgrade JU KSC Vogošća, kao jedine formalno-pravno ispravne ponude, sa ponuđenom ukupnom cijenom nabavke u iznosu od 774,20 KM bez uračunatog PDV-a, odnosno 905,81 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Smajić-inženjering" d.o.o. Goražde
2. "Consilium" d.o.o. Kakanj
3. Nadležnoj Službi
4. U dosije
5. a/a

smajicinzenjering@gmail.com
consilium.ka@gmail.com

